

Канон святому праведному воину Феодору Ушакову

Память празднуем 23 июля (5 августа)

Тропарь, глас 1-й

Державе Россійстей архистратигъ непобедимый явился еси, агарянскую злобу нивотже вменив и разорив: ни славы мирския, ниже богатства взыскуп, но Богу и ближнему послужил еси. Моли, святе Феодоре, воинству нашему даровати на враги одоление, отечеству во благочестии непоколебиму пребыти и сыновомъ российскимъ спастися.

Канон, глас 1-й

Песнь 1

Ирмос: Поимъ Господеви песнь новую, непроходимое бо оземленивъ Чермное, пешешествовати сотвори сыномъ Израилевым, и сопротивныя враги покры море.

Припев: Святыи праведный воине Феодоре, моли Бога о нас.

Просвети ми ум и озари моя чувства, согрешений мрак души моея отгнав, Христе Боже, да чистою совестью возмогу песнь составить и возвеличити Твоего угодника, праведнаго воина Феодора.

Святыи праведный воине Феодоре, моли Бога о нас.

Архистратиге непобедимый Россійския земли, якоже второе солнце, деяньми сияя, всех нас поминай, совершающихъ память твою, Феодоре многославне.

Слава: Воистинну в мори путие твоя, победоносче Феодоре, и стези твоя безбожнымъ агаряномъ на разорение в водахъ многих, и следы твоя, архистратиге земли Русския, врагомъ не познаются.

И ныне: Законовъ кроме естественныхъ, Дево, родила еси законодавца Бога, человека бывша. Того, яко Бога, моли, Всенепорочная, наша беззакония презрети.

Песнь 3

Ирмос: Да утвердится сердце мое в воли Твоей, Христе Боже, Иже над водами небо утвердидеи второе и основавый на водахъ землю, Всесильне.

Святыи праведный воине Феодоре, моли Бога о нас.

Предстояще Господу со Безплотными Силами, неизреченною славою блистающе, праведне Феодоре, за ны молися, творящия честную и преславную память твою.

Святыи праведный воине Феодоре, моли Бога о нас.

Милование стяжал еси христоподражательное, раздавал еси богатство требующимъ, небесное богатство ходатайствующее тебе, еже и получил еси, Феодоре.

Святыи праведный воине Феодоре, моли Бога о нас.

Ни молва мирская, ни чиновъ и наградъ вручение, ни слава тленная твоей яже по Бозе простоты уставивша, Феодоре, но благоволил еси воистинну божественнымъ

дея́нием.

Слава: Избавляеши обитель твою́ от лю́тых обстоя́ний и чту́щая тя от потопле́ния в вода́х, я́ко предста́тель ве́рен и моли́твенник изря́ден, Феодо́ре пресла́вне.

И ныне: Я́ко вои́стинну Госпо́дь воца́рися в Ца́рствие неотпада́ющее и облече́ся псаломски из Тебе́, Богома́ти, в кра́сное благоле́пие, плоть свята́ю, ё́уже смерть при́ят и разруши́ ея́ ца́рство.

Го́споди, помилуй (трижды).

Седален, глас 3-й

Бу́ди ско́рый в беда́х утешитель, во бранех предста́тель, во гра́дех и страна́х вся лю́ди неисче́тною ми́лостию покрыва́я, пра́ведне Феодо́ре, моли́ся Христу́ Бо́гу о чту́щих свята́ю па́мять твою́.

Слава, и ныне: Сло́ве Бо́жий, Иже рождё́йся от Де́вы Богоотрокови́цы, То́я ходата́йствы свяще́нными и пра́веднаго Феодо́ра Твоего́, Спа́се, вся́каго обстоя́ния и вся́кия ну́жды изба́ви ду́ши на́ша.

Песнь 4

Ирмос: Разуме́х, Всесильне, Твое́ смотре́ние и со стра́хом просла́вих Тя, Спа́се.

Святы́й пра́ведный во́ине Феодо́ре, моли́ Бо́га о нас.

Го́споди, услы́шахом дивна́я, я́же сотвори́л еси́ ве́лиим Феодо́ром, и ужасо́хомся.

Святы́й пра́ведный во́ине Феодо́ре, моли́ Бо́га о нас.

Восхваля́ем бла́гость Твою́, Го́споди, ё́уже испо́лнил пра́веднаго Феодо́ра, разуме́ем, всесильне, смотре́ние Твое́ и ублажа́ем Феодо́ра предивнаго.

Слава: Твою́ поминáем, Бо́же, ми́лость, ю́же явил еси́ в Феодо́ре человеколю́бнем.

И ныне: Кто изочтёт си́лы Тво́я, Чи́стая? Но пощади́ нас, изми́ из глубины́ грехо́вныя и наста́ви на благо́е пока́яние безвозвратно.

Песнь 5

Ирмос: Я́ко просвеще́ние на́ше сый, Христе́, просвети́ нас, Защи́телю жи́зни на́шея, сохрани́ ны, наде́ющиеся на Тя.

Святы́й пра́ведный во́ине Феодо́ре, моли́ Бо́га о нас.

Просвети́ твоё жити́е всю вселённу́ю, свя́те Феодо́ре, правове́рными де́лы сия́ющее, я́ко со́лнце, Трили́чнаго Божества́ заре́ю просвеща́емь.

Святы́й пра́ведный во́ине Феодо́ре, моли́ Бо́га о нас.

Иже на мо́ри быв флотово́дец иску́сен и непребори́мь, испроси́ насле́дию твоему́ му́жество и ве́ру непоколеби́му, отгоня́я при́сно враго́в шата́ния.

Святы́й пра́ведный во́ине Феодо́ре, моли́ Бо́га о нас.

Зависти́ю и зло́бою одержи́ми лжесою́зницы, ко́зни де́яху тебе́, ты же из глубины́ се́рдца вопия́л еси́: сохрани́ мя, наде́ющагося на тя.

Слава: В жи́зни вре́менной ника́яже ра́на косну́ся телеси́ твоему́, о́баче по преста́влении поруга́ние мно́гое от злых челове́к потерпе́ша честны́я мо́щи тво́я, умножа́юще тебе́, Феодо́ре, сла́ву на небесе́х.

И ныне: Воспо́йте, вся земли́, по́йте же Возсия́вшему из чре́ва боголе́пно неискусобра́чныя и Си́ю ве́рным показавшему твёрду наде́жду и похвалу́.

Песнь 6

Ирмос: Обыде нас послѣдняя бѣздна, несть избавляяй, вменихомся яко овцы заколѣния, спаси люди Твоя, Бѣже наш, Ты бо крѣпость немощствующих и исправлѣние.

Святѣй праведный воине Феодоре, моли Бѣга о нас.

Православную страну Россійскую благомилосѣрдо пощади, и милостивно утверди, Бѣже наш, и мир, и любовь, и здравие со всеми сотвори, Феодора молитвенника имѣя ходатая о нас.

Святѣй праведный воине Феодоре, моли Бѣга о нас.

Укrotи, воеводо святѣй Феодоре, находы злотворных человек и из рук их исхити, гонящих и расхищающих немилостивно.

Слава: Молитвами предваряя к Бѣгу и Тому предстоя со Ангелы, за весь мир молися, брань неприязненную всю потребити и побѣду известну дати на сопостаты воинству нашему.

И ныне: На небеси Архангели и Ангели, Херувими и Серафими славят, на земли же вси людие раболѣпно поклоняются Рождеству Твоему, сего ради молим Тя, Владычице: спаси души наша.

Господи, помилуй (трижды). Слава, и ныне:

Кондак, глас 2-й

Архистратѣже Россійский, служителю народа Бѣжияго, нищих и угнетенных свободителю, нечестивых наказателю, полезнаго нам проси и велия милости, яко споборник наш, праведне Феодоре.

Икос

Всечестную память почтим угодника Христова, великаго Феодора, храбраго воина на сопостаты и кормчаго благоутшна, радостными глаголы от сердца воззовем к нему, сице вопиюще: радуйся, дела благая со тщанием творивый; радуйся, управителю мудрый и терпеливый. Радуйся, врачу усердный и милостивый; радуйся, молитвеннике теплый и неутомимый. Радуйся, воеводо праведный и непобедимый; радуйся, рабе Бѣжий, кроткий и человеколюбивый. Радуйся, враги злочестивыя смиряя и устрашая; радуйся, и ныне со Ангелы и всеми святыми за ны моляйся. Радуйся, воине Феодоре, архистратѣже державы Россійския.

Песнь 7

Ирмос: По множеству милости Твоея, Человеколюбче, сотвори с нами, да Тебе верно вси, воспевающе, поим, якоже отроцы: благословен еси, Бѣже отец наших.

Святѣй праведный воине Феодоре, моли Бѣга о нас.

Велия подвиги совершил еси, несомненную веру имѣя, споспешествуемый молитвами сродника твоего, преподобнаго Феодора, зывающаго: благословен еси, Бѣже отец наших.

Святѣй праведный воине Феодоре, моли Бѣга о нас.

Кротостию и простотою душевною к себе привлекая, и царицу сим удивил еси, и дары от нея почтен, зывал еси: благословен еси, Бѣже отец наших.

Слава: Скорбми утесняемь отовсюду, терпел еси вся, и на Человеколюбца надежду возложив, вопиял еси: благословен еси, Бѣже отец наших.

И ныне: Надеждо всем, Госпоже Богородице, разгони, Владычице, враги души моея и направи на стезю праву. Поцади, Помощнице и Надеждо христианская, Сыну Своему зовущи: благословен еси, Боже отец наших.

Песнь 8

Ирмос: Песнь Тебе приносим Безплотных, якоже отроцы в пещи, и, поюще, глаголем: благословите, вся дела Господня, Господа.

Святыи праведный воине Феодоре, моли Бога о нас.

Пищи безсмертныя, Тела и Крови Христовы, сподобился еси причаститься, Богомудре, душу твою Небесному Царю и Владыце предал еси, зывая: благословите, вся дела Господня, Господа.

Святыи праведный воине Феодоре, моли Бога о нас.

Украшен мудростию и разумом просвещен, смирением сердца лепотствуя, к мысленным прешел еси двором, идеже воспеваеши: благословите, вся дела Господня, Господа.

Слава: Тобою, праведне Феодоре, земля Темниковская вельми хвалится: в ней бо последние дни благочестно пожив, спасение соделав, Бога Всещедраго и Милостиваго чтити научил еси, зовый: благословите, вся дела Господня, Господа.

И ныне: Егоже родила еси, Владычице, присно моли работы избавити мя страстей и осуждения, и одержащаго мя лютаго отчаяния, и оскорбляющих мя удержания, Чистая Богорадованная.

Песнь 9

Ирмос: Радуйся, Пресвятая Богоприемная Марие, радуйся, Пречистая, падших основание: в Тебе бо явился днесь Владыка, о, чудесе! обновляя ислевшия и к Свету возводи не вечернему, Отроковице.

Святыи праведный воине Феодоре, моли Бога о нас.

День празднственный и пользы ходатайственный честный твой совершаем: ты бо Господень угодник и Того заповедей делатель явился еси неослабен, досточудне Феодоре.

Святыи праведный воине Феодоре, моли Бога о нас.

Зарю трисолнечныя благодати сияя, светле твой праздник творящих озари и страстного омрачения демонскаго избави, Феодоре преславне.

Слава: Святителие и монаси, священницы и прости, воины и людие, светло предъиграйте и память святаго сына России в песнях возвеличайте.

И ныне: Света приятелище утроба Твоя бысть, просвещающего мир, Богорадованная. Темже молим Тя: светлу зарю подаждь нам, Богоневесто, мольбами Феодора доблемудраго.